

影印
文淵閣

四庫全書

影印

文淵閣四庫全書

第一二四〇冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

文敏

附

省愆

忠靖

附

金文靖

集錄集集錄集

明楊榮撰……………一

明黃淮撰……………四三三

明夏原吉撰……………四八一

明金幼孜撰……………五七三

欽定四庫全書

集部
文敏集卷一

詳校官編修_臣裴謙

中書_臣劉源溥覆勘

總校官中書_臣朱鈐

校對官學正_臣常循

謄錄監生_臣劉廷勳

欽定四庫全書

集部六

楊文敏集

別集類五 明

提要

臣等謹案楊文敏集二十五卷明楊榮撰榮有後北征記已著錄榮當明全盛之日厯事四朝恩禮始終無間儒生遭遇可謂至榮故發為文章具有富貴福澤之氣應制諸作渾渾雅音其他詩文亦皆雍容平易肖其為人

欽定四庫全書

楊文敏集
提要

雖無深湛幽渺之思縱橫馳驟之才足以震耀一世而逶迤有度醇實無疵臺閣之文所由與山林枯槁者異也與楊士奇同主一代之文柄亦有由矣柄國既久晚進者遞相摹擬城中高髻四方一尺餘波所行漸流為庸廓冗長千篇一律物窮則變於是何李崛起倡為復古之論而士奇榮等遂為藝林之口實平心而論凡文章之力足以轉移一世者

其始也必能自成一家其久也亦無不生弊
微獨東里一派即前後七子亦孰不皆然不
可以前人之盛併回護後來之衰亦不可以
後來之衰併掩沒前人之盛也亦何容以末
流放失遽病士奇與榮哉乾隆四十三年五
月恭校上

總纂官臣紀昀臣陸錫熊臣孫家鼐

總校官臣陸費輝

欽定四庫全書

楊文誠集
提要

文敏集原序

國朝既定海宇萬邦協和地平天成陰陽順序純厚清
淑之氣鍾美而為人於是英偉豪傑之士相繼而出既
以其學贊經綸興事功而致雍熙之治矣復發為文章
敷闡洪猷藻飾治具以鳴太平之盛自洪武至永樂蓋
文明極盛之時也若建安楊公者其可多得哉直在鄉
校時聞公領鄉薦第一名譽赫然思欲識公未能也太
宗皇帝即位之明年直亦取進士選入翰林俾盡讀中

欽定四庫全書

文敏集
原序

祕書學古為文詞而公已在內閣典辭命職論思所與
共事者六七公皆天下之望又後二年直再被選拔得
從諸公後諸公不以直為愚而皆辱教焉聽其所言觀
其所存信一代之偉人也而公復以達政務善應變最
為上所親任凡制馭遠方飭師旅撫順討逆慮邊將有
不能辦者必命公往圖之公決機發策皆適其宜上躬
御六師清沙漠必命公從行所以贊襄裨益為多其在
朝廷朝夕侍左右圖議政事以安利兆民而人蓋陰受

其賜間為文章歌頌聖德施之詔詰典冊以申命行事
與凡官署民居所以施政教適性情而欲紀載其實序
述其故孝子慈孫欲銘著其祖考之美以垂諸不朽者
多請求於公公皆有以應其求其學博其理明其才贍
其氣充是以其言汪洋弘肆變化開闔而自合乎矩度
之正蓋渢渢乎盛傳於天下得之者不啻若南金拱璧
寶而藏之而今不可復得矣直在翰林三十七年辱與
處者蓋多惟公相好為最深蓋自永樂以來親見上之

欽定四庫全書

文獻集
原序

二

所以教養拔擢而知其意欲有所用也故既處之要地
使習知其故至於四朝實錄與夫大典禮大述作直皆
與其間及直之去翰林惟公深惜之而反為忌者所病
夫士之進退出處有命焉非人力所能勝奚以病為哉
公之卒也直既為傳載其行事之大者以備他日太史
之采擇至是子恭類次遺文若干篇將鈐梓以傳又屬
直為之序於戲公之文宣待序而傳哉獨感公之知有
不能已於言者故序諸其首簡公賜名榮字勉仁歷官

至少師工部尚書謹身殿大學士贈太師謚文敏云正
統十一年冬十二月望日資政大夫吏部尚書兼經筵
官前國史總裁泰和王直序

天啟一代文明之治必生奇偉不世出之才以匡輔之
故其事功足以經國而庇民其文章足以垂世而傳後
夫豈偶然之故哉三代邈矣漢唐宋以來號稱極盛其
間並美兼該亦不數人信乎才之難也吾觀贈光祿大
夫左柱國太師謚文敏揚公詩文集有以見公之不可

欽定四庫全書

文獻集
原序

三

及馬公建安人少穎悟絕倫自遊校庠已有經綸天下
之志暨登高科入翰林遭遇太宗皇帝委以心腹之寄
居則參掌機密出則謀謨帷幄寵眷優厚羣臣鮮儼逮
事仁宗宣宗今上皇帝付托愈隆爵位益尊聲望彌著
縉紳士夫瞻仰其休光四夷八蠻想聞其風采豐功偉
烈鏗鉤炳耀天下誦之猗歟盛哉復以其宏博之學敏
贍之才發為文章與古之作者頡頏後先高文大冊施
諸朝廷雄詞直筆著於國史嘉猷讜論達於經筵凡文

武大臣勲績之所紀述中外名流先德之所表揚以及海內縫掖之士欲有所借譽者得片言隻字莫不以為至幸公亦隨其人之所求樂然應之不倦皆各適其意以往何其富哉公沒之後其子尚寶司丞恭集公平生所作以類分之托叙校正且屬序其後叙辱受教於公甚深屢蒙薦拔雖不果登用居嘗自誦以為知己尚敢以蕪陋辭乎於乎斯集之傳豈徒見公著述之盛而天祐國家生才佐理之盛亦足徵焉叙何幸廁名簡末附

欽定四庫全書

文徵集
原序

四

諸永久哉南京翰林侍講學士奉訓大夫前兼經筵官吉水周叙書

自古國家以得賢材而興國朝太祖受命肇造區宇太宗嗣服茂隆化理天下之材應期而出以備任使者布滿于朝有能傑出其間學足以達治體材足以任國政文足以代王言居輔翼之任受腹心之寄無媿於古之所謂大臣者建安楊文敏公其人焉公少有大志刻苦務學博洽經史於治亂興衰之由是非得失之理莫不

究盡慨然以功名自期許始由進士入官翰林太宗正位簡文學之臣凡七人入祕閣掌密務公在選列姿度英爽每侍閒燕有所顧問敷對剴切上奇其材可大用於凡政之得失民之休戚悉以問之公即小心一志知無不言言無不盡皆見聽納其言之行而功利及於民者不可勝計然多公所獨知它人有不得而與知者上益察知其忠日見親任邊情軍務一皆諮練嘗西鄙有敵敵中情偽不可測遣同大將籌之既至洞識事機措置得宜邊境帖息回奏大見獎賚上每親征公皆在行從容帷幄贊畫居多繼事三朝忠勤始終如一日所以被寵待之者羣臣莫能及至為文章見於詔誥命令訓飭臣工謦戒軍旅撫諭四夷播告萬姓莫不嚴正詳雅曲當人心出其緒餘作為碑銘誌記序述贊頌以應中外人士之求又皆富瞻溫純動中矩度詩亦備極諸體清遠俊麗趣味不凡稿總若干卷藏于家公子尚寶司丞恭屬為之序夫士大夫抱材器力問學達則施諸事

欽定四庫全書

文徵集
原序

五

究盡慨然以功名自期許始由進士入官翰林太宗正位簡文學之臣凡七人入祕閣掌密務公在選列姿度英爽每侍閒燕有所顧問敷對剴切上奇其材可大用於凡政之得失民之休戚悉以問之公即小心一志知無不言言無不盡皆見聽納其言之行而功利及於民者不可勝計然多公所獨知它人有不得而與知者上益察知其忠日見親任邊情軍務一皆諮練嘗西鄙有敵敵中情偽不可測遣同大將籌之既至洞識事機措置得宜邊境帖息回奏大見獎賚上每親征公皆在行從容帷幄贊畫居多繼事三朝忠勤始終如一日所以被寵待之者羣臣莫能及至為文章見於詔誥命令訓飭臣工謦戒軍旅撫諭四夷播告萬姓莫不嚴正詳雅曲當人心出其緒餘作為碑銘誌記序述贊頌以應中外人士之求又皆富瞻溫純動中矩度詩亦備極諸體清遠俊麗趣味不凡稿總若干卷藏于家公子尚寶司丞恭屬為之序夫士大夫抱材器力問學達則施諸事

業窮則見於文詞傳之當時垂之後世以托不朽公以宏材碩學遭值盛世歷事列聖致位顯要獻納左右謀聽計從以身任國家之重者垂四十年忠被人主之知澤為生民之福聞望之隆勲業之著書諸史冊自足以垂於不朽果何待文而後顯哉詩之與文復皆用之朝廷布之方國天下賢士大夫莫不稱誦而追慕之又豈待序而後傳哉但習禮無所肖似得從公出入於禁近者有年于茲辱見知遇今不可復作矣良深永慨故敢

欽定四庫全書

文敏集

六

忘其膚陋序諸篇端云嘉議大夫禮部右侍郎吉水錢習禮書

欽定四庫全書

文敏集卷一

明 楊榮 撰

應制

瑞應騶虞詩

有序

欽惟皇上蒞阼以來天清地寧五行順序仁覆四海澤洞幽冥曩者永樂二年秋騶虞見於河南之鈞州白質黑章虎軀狔首尾長於身性則仁厚不食生物不踐生芻豢敗穆穆姿態異常臣下得之以進于朝羣臣萬姓

欽定四庫全書

文敏集

一

歡呼踴躍上表稱頌以為希世之瑞今茲永樂十一年大駕巡狩北京而騶虞復見於青兗之間司獸者以獻皇上命置闕門之外臣庶聚觀莫不歡欣抃躍咸謂皇上至誠之德洞達無間乃克臻茲臣榮謹按瑞應圖云騶虞義獸也帝王德至鳥獸澤洞幽冥則見然斯獸之瑞皆徒傳聞於載籍豈若今之親覩而屢見哉此蓋皇上好生之德通乎天地霈乎生靈故茲仁瑞之出以表天地之至和以彰皇上之至仁以兆聖子神孫億萬年

太平之慶臣榮叨職詞林不可無詩歌以紀盛美謹拜
手稽首而獻詩曰

於維聖皇德被八垠神武不殺恢乎至仁恩信誕敷膏澤
旁及九族雍睦萬邦寧輯蠻貊戎夷罔不來庭飛潛動植
以遂以生治化重熙海宇同春雨暘時若禎祥駢臻黃犀
白象集于靈囿馴雉祥麟見于郊藪景星慶雲煜煜氤氲
甘露醴泉如酎如錫嘉禾瑞麥凡其茂赤草靈芝煜煜
其秀黃河載清海不揚波靈龜表孝神人協和天地自位

欽定四庫全書

文獻集
卷一

二

萬物並育瑞應之來以迓景福癸巳之歲仲夏初吉坤祇
效靈騶虞再出維此曹邑瑤光降靈義獸在野草木光榮
匪兕匪虎匪熊匪羆白質黑章猊首虎軀尾長於身是曰
騶虞其內仁厚其外舒舒不食生物不踐生芻神馳靈邁
一日千里周旋中規其儀可喜驅之不迫撫之不驚虞人
致之進獻神京士庶駿奔歡聲沸騰僉曰噫嘻徒聞往古
今乃得之瑞物斯覩於維聖皇乃文乃武維武不用諸福
畢聚吁嗟騶虞實為上瑞昭我皇仁以彰信義庖義立極

龍圖是呈堯舜繼作鳳凰和鳴夏符洛龜殷降玄鳥赤
雀興周八百斯兆維茲仁獸應時而來皇繼往聖澤潤
九垓孰云漢唐文禽青兕赤騄白象曷足倫擬維皇聖
神異物不寶所寶維賢豐年是禱端拱無為以成至治
瑞應斯蕃匪約而至皇不自聖皇仁如天光昭鴻業傳
序萬年臣愧謏聞忝逢盛美作為詩歌以繼麟趾

甘露詩

有序

皇上紹承天位統臨萬方德化洋溢庶績咸熙雨暘順

欽定四庫全書

文獻集
卷一

三

序九有寧謐無有遠邇熙然泰和由是嘉祥疊臻諸福
畢至皇上方勵精圖治夙夜孳孳敬戒不怠數命皇太
孫率衛士演武于近郊以示安不忘危之意將以福生
民奠宗社建億萬年太平之業乃永樂十年十月甲子
甘露降于方山皇上復獵于武崗山之陽獲獸彌多宴
饗從官如前儀臣竊惟古者天子歲三田蓋以奉郊廟
御賓客充庖厨也故春蒐夏苗秋獮冬狩各以其時名
雖不同而所以為田除害之義則一以是而觀誠非娛

耳目心志之樂誇畋游甲兵之盛實所以順天道協人心乃車駕所次天休震動嘉祥滋至斯乃聖德格天感應之機捷於影響是豈偶然而已哉臣聞鵷冠子曰聖人之德上及太清下及太寧中及萬靈則甘露降今茲甘露之祥駢臻疊見是皆皇上至仁之德涵煦宇內聖子神孫重熙累洽以開太平之鴻業以流慶澤於悠久何其盛哉臣榮叨列侍從躬逢盛美歡抃不勝不可無歌詩以示後世謹拜手稽首而獻詩曰

欽定四庫全書

文獻集
卷一

四

聖皇車駕出九重狩獵屢駐鍾山東龍旗黃幄照晴空羽林猛士氣如虹經丘越壑上龍輿是時霜清十月中木葉脫落鳴天風黃金羈絡玉花驄萬騎雜遝紛紜從錦袍羽箭控琯弓戈甲照日晴光融豪鷹健鶻筋骨雄勁翮直上摩蒼穹斷矸殪兕射麋熊妖狐狡兔無遺蹤駕鵝鵠勢蹙窮墮羽洒血相橫縱懽呼得雋意氣濃乃知聖主致治隆不以既治忘武功因時順動習兵戎為苗驅害慰三農四郊自此樂年豐上天降祥福聖躬凜凜甘露凝栢

松飴甘肪白醴酪醲珠璣駢聯綴芳叢繁繁不受暑日烘靈氛煜煜氣冲融呈祥現瑞何所鍾衮衣垂拱蓬萊宮梯航玉帛俱來同小臣叨祿愧才庸但願萬歲歌時雍

瑞應麒麟詩
有序

欽惟聖天子以不世出之資膺受天命主宰神人即位以來華夷效順海宇寧謐五緯不愆雨暘時若由是民安物阜和氣充溢毓為禎祥先後十餘年間駢臻皆至

欽定四庫全書

文獻集
卷一

五

雖古昔傳聞所未見者今皆畢集茲非神化周浹聖德感通曷克臻是乃永樂十二年秋榜葛剌國以麒麟來獻踰年麻林國復來獻今年秋阿丹國又來獻吁何其盛哉且四靈以麒麟為首王者至仁則出又云中國有聖人在位則至蓋非世之所恒有者今數歲之中凡三至焉豈無所自而然哉實由聖天子至仁大德上合天心下被四海故川嶽效靈百神協應之所致誠國家萬萬年太平悠久之徵不惟天下臣民仰賴無窮之福抑

亦聖子神孫萬萬世無窮之慶也臣榮忝職文翰屢覩嘉禎每遇祥瑞之來必有詠歌以播揚盛美况此上瑞所應非常奚可無述作以傳之於後世乎故不揣蕪陋謹為詩一篇以獻其辭曰

於維聖皇受命自天仁及庶類恩周八埏禮義興行無有遠邇日照月臨化成俗美九夷八蠻悉安悉臣罔敢踰越聿來獻珍鯨波洋洋望之無際島夷所居動數萬里玉音所至莫不尊親淪肌浹髓被于皇仁僉曰陋邦服此聲教

欽定四庫全書

文獻集
卷一

六

海波晏然聖德之效乃梯乃航惟恐或後乃奉麒麟歸于靈囿惟茲麒麟玄枵毓精非時不出非世不生其產應期祥光上燭五彩繽紛御雲煜煜天無沴氣地息妖氛山川草木發秀揚芬既育既長益奇益異萬靈禱訶百神擁衛魁然其實昂然其形龍顧鳳臆肉角鷹身牛尾馬蹄折旋規矩生物不傷音協律呂爰用入貢涉歷海洋秘惟屏迹蛟鯢遁藏龜龍導從鸞鳳羽翼載馳驅遠達京國進之彤墀得覲天顏重瞳屢顧百僚聳觀嵩呼雷動再拜稽

首吾皇聖神永膺萬壽皇帝曰吁瑞不在茲惟慎厥德乃為禎符爾公爾卿百僚士庶恪脩厥職勿滋逸豫三光昭宣五緯弗虧品物咸亨惟瑞在茲仰惟聖皇體道謙虛奇瑞屢臻抑而弗居戒慎滿盈奉天法祖度越百王卓冠千古洛龜呈夏玄鳥降殷赤雀興周式昭前聞維茲麒麟實天所授聖德格天永承天祐於維聖德廣大難名巍巍蕩蕩堯舜莫京恩霈八紘澤覃四裔如雲之行如雨之施天錫多福集于聖躬惟皇萬壽百祿是

欽定四庫全書

文獻集
卷一

七

崇雨順風調民安國泰海晏河清萬世永賴臣拜稽首寶祚縣縣聖子神孫傳序萬年

神龜詩

有序

欽惟皇上虔恭仁孝一德格天自御宇以來深恩太祖聖神文武欽明啟運俊德成功統天大孝高皇帝功德兼隆而孝陵之碑未建無以垂示將來乃命儒臣紀其事實之詳繼命工伐石得于幕府山之陽其材孔良爰求厥趺于龍潭山之麓發土得石龜長尺許廣半之文

玄蒼不假雕琢宛然若生衆工咸喜又下得貞石長衮
適稱為趺董工者以龜來獻勅置于奉天門命公卿百
僚咸觀之莫不稽首贊歎以為皇上至仁至孝感通于
上下神祇故皇天后土用是以表著焉翌日羣臣奉表
稱賀皇上率百僚躬獻孝陵以彰顯太祖神功聖德萬
世無窮之休臣以菲材叨侍禁近幸逢盛事不勝欣躍
謹拜手稽首為詩以獻

於昭皇祖聖神文武德合乾剛功超前古肇基江左虎踞

欽定四庫全書

文獻集
卷一

八

龍蟠鴻圖鞏固宗社奠安際天極地罔不臣服朝貢以時
獻琛執玉卉裳推髻接踵梯航南金大貝厥篚相望猗歟
我皇紹繼大統一遵成憲天錫智勇念彤羹牆永言孝思
陵廟奕奕未樹穹碑聖德神功紀于史氏載勅貞珉以詔
後世貞石既獲厥趺是求爰啟爰斲龍潭之丘有昂者龜
若瞻若顧忽焉以呈神物斯護其傍璀璨果得巨石相趺
是宜弗棄毫尺惟皇孝誠孚于神明有感斯應神祇效靈
濯以溫泉瑩如紫玉陳之丹陛韞之寶積隆然其分間錯

以文匪雕匪琢氣凝網緼臣庶聚觀宛然天成歡呼踴躍
幸觀嘉禎帝曰嘻哉匪予之力神瑞之應皇考之德載蠲
吉日獻于孝陵陳之闕宮紀之金縢昔聞神龜負書出洛
夏后取則洪範是作今逢聖明文命誕敷獲此奇瑞異
世同符頌聲洋溢洽乎四海福祚綿綿億千萬載

瑞應麒麟詩 有序

祥麟昭聖德也麟為四靈之首希世之祥必有聖人在
位則應時而見仰惟皇上以聰明睿智之資具聖神文

欽定四庫全書

文獻集
卷一

九

武之德深仁厚澤覆育天下是以和氣薰蒸而靈物斯
至茲實國家萬萬年太平之徵也臣榮生際盛時躬覩
上瑞宜有詠歌以揚聖化謹拜手稽首而獻詩曰
猗歟祥麟具祥曷徵維皇繼統萬邦咸寧誕敷德澤丕
昭文明至和旁達海嶽效靈曰惟盛時兆此嘉禎
維麟昭昭四靈之首精孕玄枵世不恒有義軒以降成
康其後爰暨我皇斯乃云覲何以致之聖德之厚
麟之為麟具此衆體有膚其身有牛其尾既龍其顧亦

馬其趾彼獸之凡莫之與比春秋所書周詩攸美

維麟之德厥具匪常懷仁之慈抱義之剛步中規圓亦

協矩方生物不食生草弗傷有暢厥音協宮諧商

維麟之生于彼海島和氣所鍾逢世熙皞莫高匪天弗

愛其道莫厚匪地弗愛其實式昭皇仁如天覆幬

維麟之來獻于丹陛百辟交歡同覩上瑞咸曰茲麟聖

德所致天毓禎祥以降至治聖壽齊天寶祚萬世

右祥麟六章章十句

欽定四庫全書

文淵集

十

白雉

憶昔成周時德化何昭彰萬國悉賓貢白雉來越裳至

今千載下簡冊尚流芳我朝際昌運至治躋虞唐列聖

啟鴻業恩澤覃八荒我皇御寶歷繼統握乾綱于時民

物豐和氣為禎祥白雉出西陲奇異非尋常迢迢數千

里持以獻明堂肌膚瑩凝雪毛羽淨涵霜皓鶴忽避彩

素鵬亦輻光稟茲金氣純上應聖德昌百辟皆欣抃拜

舞邁鵷行徵臣忝朝列詠歌遂成章願效封人祝聖壽

同天長

玄兔

聖皇撫寰宇盛德致雍熙雨暘既時若民物遂蕃滋陰

陽孕至和充塞溢兩儀西夏產靈兔黝然呈瑞姿守臣

重驚異此兔何珍奇豈非我聖皇盛德所致之載以雕

綺籠獻之白玉墀宛若負蒼壁有如錫玄圭晃晃碧瞳

開穆穆黑雲垂初疑育玄圃又想嚙墨池乃知造化神

生此誠所宜大哉天德純感召良在茲置之靈囿間麟

欽定四庫全書

文淵集

十一

鳳相追隨天階同率舞實若唐虞時願言著青史萬載

流光輝

神應泉詩

有序

欽惟皇上御極以來海宇寧謐祥瑞屢臻華夏蠻夷罔

不率俾四海內外皞皞熙熙薰然泰和惟朔漢遺裔屈

強梗化拘戮信使寇攘邊場皇上赫怒躬率六師往征

之三月丙子駐師于凌霄峰厥地高燥泉水歉乏是夜

忽天雨雪彌布于地士馬充足莫不歡騰鼓舞以為皇

上至誠格天之所以致也遂踰錦水磧歷壓虜川陟金剛阜
所經之處平沙曠漠鹹水悉化為甘泉丙申駐蹕于清水
源地鹹水涸忽涌泉上出滔滔汨汨瑩澈清潔斯須滂洋
將士環覩驚駭嗟異咸以為除滅殘寇之徵也皇上召中
官汲取嘗之味甚甘美仍賜將士皆飲乃命之曰神應泉
臣以菲才承恩扈從日近天顏親覩靈異莫效涓埃之報
願為歌詩以頌功德於無窮謹拜手稽首以獻其詞曰

倚歟我聖皇統承太祖業巍巍唐虞聖赫赫湯武烈六

欽定四庫全書

文獻集

上

合皆同風蠻貊罔不從筐篚日相望熙皞樂時雍蠢茲
最殘裔悖逆何昏嚚拘我信使毒痛我邊氓天皇忽
震怒六師遂親征桓桓熊虎士燁燁若雷霆戈矛相照
耀旌幟何鮮明神謨展雄畧廟算由天成龍旗出居庸
雄師抵萬全綿延錦水磧雜還清水源跋涉極沙漠鹹
苦地乏泉皇天彰聖德瑞雪何翩翩山川爭效靈甘泉
涌平川味若醴錫甘清比冰壺鮮滔滔流不窮斯須即
成淵將士皆懽躍汲負相後先龍顏為之喜命茲神應

泉僉言協休徵渠魁當就擒微臣忝扈從載筆隨天營
鞠躬覩靈異賜飲沾恩榮行看清朔漢一掃欃槍蹤神
功昭萬世炳煥垂無窮

元夕賜觀燈

聖皇撫昌運肇基營北京駿奔來萬方小大罔不承上
天錫靈貺異瑞繽紛呈維時屆上元樂與臣庶并巨黿
戴神山嵒嶺出滄溟屹然向雙闕飛翠相迴紫瑞氣發
華彩五色含精英凝輝燭霄漢吐耀亘天庭羣仙駕鸞

欽定四庫全書

文獻集

十三

鶴縹緲凌紫清蕭韶合舜樂九奏鏘和鳴龍旂拂層霄
鳳輦敞雲屏星毬百寶麗火樹千花明魚龍陳雜戲羅
綺疊晶瑩華夷總歡慶宴樂沾恩榮聖情重悅懌朝野
騰歌聲微臣忝侍從何以輸忠誠願言頌帝德萬歲樂
昇平

白鳥

慈烏復慈烏姿態何瑰奇由來能反哺厥性仁且慈既
育亦既長飛息相追隨靈異匪凡匹鳴止適所宜況此

鍾素質皎潔純不縞霜毛正璀璨雪羽何陸離馴狎出
天性迴翔動光儀昨日產京兆呈祥應明時今復來南
交致身白玉墀振翮發華彩瑤臺皓同輝瑞物不易致
嘉禎協昌期聖皇有至德大孝感穹祇宗廟既昭格於
焉錫蕃禧經始方在茲都邑煥巍巍奇祥日駢集寶祚
縣鴻基百辟總歡抃恩波洽華夷治化超前古端拱自
無為願同鵲巢什萬世歌雍熙

靈犀

欽定四庫全書

文獻集
卷一

十四

聖皇臨大寶萬國悉來庭奇獸方交獻文犀忽遠呈肉
駿何磊砢獨角更崢嶸挺特應無比安馴自不驚辟寒
知有異照水詫通靈長向軒墀立寧隨耒耜耕騶虞堪
共處玄豹許肩行盛世多靈瑞長歌頌太平

白鸚鵡

上林風日美佳氣鬱葱葱花木競妍媚珍禽亦云充有
鳥曰鸚鵡態度莫與同質稟金精秀性含火德豐聰慧
復能言清音徹九重翠色變為素造化施神功霜毛既

皎潔雪羽何璵璠翱翔青瑣闥出入蓬萊宮繫以紅錦
條盛以黃金籠常時沐恩寵眷顧回重瞳素鵬不可並
白鷺焉敢從飲啄既得所飛止何雍容適逢太平日昌
運方興隆願言在靈囿祝壽頌呼嵩

嘉禾

聖皇御寶歷萬國際昇平海宇既寧謐民物自生成和
氣遂充溢奇祥日來呈史冊莫殫述歌頌揚歡聲及茲
闕陝間百穀歲屢登嘉禾忽獻瑞數穗同一莖金穉既

欽定四庫全書

文獻集
卷一

十五

璀璨玉粒何晶瑩盈筐進丹陛芳氣藹天庭百辟盡瞻
覲聖心乃弗矜顧此兆豐稔農事勤有徵所期雨暘順
九有俱安寧微臣亦何幸侍從霑恩榮永言紀帝德萬
世昭皇明

獅子

聖朝統六合威德被遐荒鳥獸既咸若萬物霑恩光獅
子產西極雄猛非尋常鋸牙自銛利銅首何軒昂雙耳
正上聳兩目耀星芒巨尾搖錦茸長毛絢金黃顧盼雄

風生哮嗽百獸藏及茲來闕下俛首隨鵠行帖然自馴
服感此仁化彰玉堦齊率舞靈囿恣翱翔仰惟聖明世
物類皆踴躍永言樂熙皞天地同悠長

題賜上尊封識小帖

有跋

聖皇昔御西內時萬機多暇樂雍熙傳宣廷臣近玉陛
賜坐轉覺天顏怡親調異饌出金鼎八珍之味和羹糜
上尊九醞出天府瓊漿玉酪甘如飴內園朱櫻新薦後
粲若驪珠光陸離銀罌翠釜遞傳送闔室均得霑恩私

欽定四庫全書

文獻集

十六

當時感激荷紫寵銘心鏤骨無窮期黃封題識最嚴密
洞庭春色何珍奇墨花如雲注霜璽龍香繞甕猶淋漓
恍疑晴霞隱玄霧朱文小篆蟠蛟螭尚書寶此弗敢置
錦箋玉軸加裝池虹光熒煌動四壁坐覺雨露添華滋
摩挲此卷倍增感何幸深蒙聖主知恩波浩蕩比滄海
聊寫悃悃成歌詩願公什襲同拱璧盛德榮名萬古垂
永樂庚子夏四月丙辰上在西內圓殿特召都督臣薛
祿尚書臣呂震臣李慶暨臣榮臣金幼孜至殿外命坐

賜食其羹糜蓋出於御前調和珍異非常且復有上尊熟
食酪漿櫻桃之賜厚德深恩難以云喻然所賜上尊封識
皆有墨印洞庭春色四字復用朱印篆書御用二字以蓋
其上思惟古昔聖帝明王解衣推食之意不是過也恩眷
之隆何其至哉今臣震謹以上尊題識封號裝潢成軸以
彰聖上之恩賜且欲傳之子孫以為珍玩復徵子言榮追
惟當時恩實同霑則今拜觀於此又奚容自默哉既為歌
詩以昭盛美復紀其實於後以識希世之遇云

欽定四庫全書

文獻集

十七

元夕賜觀燈

四首

綵山高接九重天珠樹銀花炫紫烟雲擁羣仙朝玉闕
星垂大地簇金蓮峯巒疊翠迴蓬島羅綺搖光映御筵
宴樂自知同在鎬聖皇端拱萬斯年

節臨三五雪初融百尺峯巒接碧空十二樓臺春浩浩
九重宮闕月溶溶鳳笙龍管祥光外珠樹銀花紫霧中
再拜嵩呼祈聖壽年年慶賞萬方同

六龍擁翠出蓬瀛火樹星毬綵結成萬燭光連金闕迥